

2 TIMOTEO

Ɔko Nyɔare Gɔ I Paulo Ɔtsere Ɔtã Timoteo

¹ Ɔko gɔgbe ɔbɔre i mme Paulo gɔ nde Kristo Yesu Katɔmesedze iki i Ƴaa kuɔɔe ame. Ɔpia me so lope ngbã me ɔɣe ɔse so ɔtã bo i bo mawẽ ibaragu Kristo Yesu imomo.

² Wũ obi ɔɔese Timoteo, Ƴaa gu Bosate Yesu Kristo abualera si awegu-ɔ si fo ara si aɔo ma kayiri ana si matã-ɔ isobue.

Ya Teteree I Kafɔkaɔe Ame.

³ Nto lope Ƴaa gɔ lose losumu le kumego i wũ mawa ɔbara siba. Fie nse lobara ngbo i ɔtu gɔ lokpa ame. Ana ne, nse lope wũ siba kasẽ i kakome i fo iti si loto lokparama kayi. ⁴ Lose lonyigi fo nnome me abie gɔ boto bosame fie loto lobie gbaã so loaledza-ɔ inya si wũ isoyɔ ayi. ⁵ Nto lonyigi fo kafɔkaɔe teteree ga aba. Nga igbã lowe i fo ɔwarɔgo Lois gu fo onyi Eunike merẽ ame fie lofo loɔe so fɔ wũ aba kã. ⁶ Adzuni wagbe ɔso fie loto lotsere-ɔ ɔko so si amɔẽ karatã ga i Ƴaa ɔtã-ɔ ku ɔwi gɔ losia-ɔ nroɔ iso lokparama kayi ala teteree ne. ⁷ Alaso Ƴaa iisu ifɔ siwarã ɔtã bo. Ƴee ne, ɔtã bo siwarã dze loatã bona ɔle gu kuɔɔe gu kumego boamɔẽ so bola ana.

⁸ Nnɛgbe ɔso ne, daatã so kunuare aakpẽ-ɔ so aaya i Ƴaa itɔme kama, Ƴee so kunuare aakpẽ-ɔ i wũ iso le ngo nre iyo ala Kristo ɔso. Ƴee ne, fo wũ ya i fo inyewe kanya teteree si aɔi Bosate

Itõme Bielea ate. Yaa otã-ɔ ole sɔ aawo nnegbe ɔbara. ⁹ Bosate ɔɔɔ lotã bo ngbã fie ɔkpere bo sɔ bokpese ñ maturi. Iide bo ara sɛɛ wa bobara ɔso. Yɛɛ ne, Yaa mɔmɔ adzuni gu ñ abualera wa ɔba otã bo ɔso. Fie iki i Yesu Kristo iso fie bona abualera wagbe fie mabara kayiiso. ¹⁰ Kiniɔ ne, Yaa ɔɔi nnyainyɔ negbe ɔte bo sekelee i Ðidze Yesu Kristo iba ame. Ɔ ɔɔɔ loɔɔ kukpi ole iso. Fie iki i ñ Itõme Bielea iso ne, ɔɔi ngbã me loise miro ɔte. ¹¹ Yaa ɔsu me ɔbara ñ isãyase gu katõmesɛdze gu Itõme Bielea negbe ratedze. ¹² Nnegbe ɔso fie loto lowe inyɛ ne. Yɛɛ kunuare iito me alaso lofo loɔɔ kukaako fie loye ngo iso i wũ ɔriinyɔ sia. Loye ana sɔ ɔto ñamɔɛ ira ne losu lopia i ñ nrɔɔ ame ɔla kukaako gbɔgbɔɔgbɔ iabo iyì tsɔra nɛmɔ iso.

¹³ Mɔɛ atõme bielea ɔɔɔɔɔ wa lote-ɔ la kukaako le fo ɔsɛdziri si abara wã iso. Ya teteree i kafɔkade gu kuɔɔɔ ame, ara wa nde bo are si bobara kanya kawɛ ku Kristo Yesu. ¹⁴ Iki i Yaa Siwarã ole go mpia i bo ame iso ne, mɔɛ ara sɛɛ ɔɔɔɔɔ wa i Bosate ɔsu ɔpia i fo nrɔɔ ame la kukaako.

¹⁵ Aye sɔ Asia mafɔɔɔɔɔɔɔ ɔɔɔɔɔ ɔrui manyua me fie Figelo gu Hermagene ana ɔnyua me mase. ¹⁶ Lokare sɔ Yaa aanyɔ Onesiforo gu ñ iyo maturi nnya alaso ñikpɛ kunuare i wũ iso le yoredze, yɛɛ ne, ɔwegu me ɔbuai me kukaako. ¹⁷ Ɔwi go ɔba Roma ne, ɔnyɔnyɔ me gbɔgbɔɔgbɔ ɔba ñanya me. ¹⁸ Lotã Yaa iti sɔ ɔnyɔ wũ nnya ku atõme iyeyi iso. Fo mɔmɔ aye siri agbãagbã wa iso ɔbuai me i Efeso.

2

Ɖe Kpakpēdze Nukuarese.

¹ Fɔ ne, wũ ɔbi, we ɔle i bo kanya kawē ibara ku Kristo i ɔ abualera wa ɔtā bo ame. ² Ara wa anɔ sɔ lote i maturi gbodzoo katō ne, wā si asu apia i maturi ma lofɔ maɖe nroɔ ame sɔ ma wũ maasu mate maturi mama ana ne. ³ Ya teteree i inyewe kanya le kpakpēdze sɛɛ go nɔɛ ɔtā Yesu Kristo. ⁴ Kpakpēdze go nɔɛ i ɔ karabara iso gbaā ne, ɔsɛ ɔbie sɔ ɔ kurabarara aapia ɔ tōɖedze isoɔɔ. Ne ɔso ɔise ɔpia mma loide makpakpēdze atōme kanya. ⁵ Ngbo ame i isetere se go nto ɔbie sɔ ɔaɖe iso ne, ikote sɔ ɔabara i mmara ɔɖuɖu iso kukaako. ⁶ Kpēdze go nse ɔbara karabara ku kube i ɔ kakpekō ame ne, ɔ nse ɔɖe ɔturi ɖeakatō go loaɖe aɖera ɖeakatō ne. ⁷ Ara wa nto loɔere-ɔ ngbe ɔɖuɖu ne, dzuĩ wā nyo alasɔ loɔe sɔ Bosate to ɔatā-ɔ karō inɔ i wā ɔɖuɖu ame.

⁸ Nyigi Yesu Kristo go lobɔre i David ɔɔekpare ame, ngo i ɔaa ɔtara ɔbɔreɔgu i makpise ame le kumegɔ i Itōme Bielea ne loto loɔe ɔte. ⁹ Nto lowe inye ala Itōme Bielea ne loto loɔe ɔso. Fie mapia me kugbagɔɔi le ɔturi lalaa awe. ɔɛɛ ɔaa itōme na i kugbagɔɔi ame. ¹⁰ Nnegbe ɔso lofɔ ira biara lome ala ɔaa maturi ma ɔɖi ɔso sɔ si maana idi ne i Kristo Yesu iso ɔnɔwē maaki fie maana gu isoɔɔ ne loyi i ngbā ɔɖuɖu ame.

¹¹ Itōme negbe ne, gbaā ide sɔ,
 “Si bobaragu Bosate mawē i ɔ kukpi ame ne,
 boata bosegu wũ ngbā.

¹² Si bowo ɔya teteree i inyewe biara ame ne,
 boaɖegu wũ sigara.

Fie si bosẽ wũ ne,
 Ɔ wũ ɔto ɔasẽ bo.
 13 Si bosẽ wũ i bo kafɔkaɖe ame ne,
 Ɔ ɔibawo ɔkpese i ɔ atõme kama.
 Alaso ɔibawo so ɔsẽ ɔnya.”

Mɔẽ So La Kukaako So Aabo Ƴaa Anɔ.

14 La ɔnyigira fɔ maturi ara wagbe si aka ma kukaako i Ƴaa katõ so maibapia kakpadzẽ. Alaso isudɛa kuiwẽ na i ne ame. Ƴɛɛ iatã so mma loanɔ ara wagbe kafɔkaɖe aakpase. 15 Mɔẽ so la kukaako i ɔri biara iso so aabo Ƴaa anɔ. Bara fɔ karabara so kunuare iibakpẽ-ɔ. Ƴɛɛ ɖe ngo loate Ƴaa itõme kukaako.

16 Ɖi so bɔregu i atsue pẽ gu ara wa nna karõ iɣe ame. Alaso maturi ma nse mabara ara wagbe igbã ne, ise idj ma adzuni ibɔregu i Ƴaa kɔre ikɛlegu dzoroo. 17 Ara wagbe igbã ite se le imayei ne nto ifɔrẽ. Maturi inyo ma nto mate wã nde Himeneo gu Fileto. 18 Maɔfiniki mabɔre i Itõme Bielea kɔre mapia makpɔkpɔtɔra mafɔɖedze mawẽ adzuni so bo iledza ita ibɔre i kukpi ame iwegu Ƴaa ɔba iafe koko. 19 Ƴɛɛ ne, Ƴaa iyo ita ne iso matsue ne masia ne, kuirã iibawo ne ɔtidza. Ita negbe iso matsere atõme wagbe masia so, “Bosate ɣe mma nde ɔ mare” fie “Ngo nto ɔɣe so ɔsiai Bosate ne, ɔfiniki ɔnyua akpi ɔbara.”

20 I ranase iyo ne, arɔi agbãagbã se. Awẽ mabara ala sikãretea fie awẽ ana sikãfudza. Mapɔ awẽ ala sise fie awẽ ana ne, kudziri mawe ala. Arɔi wagbe ne, mase mabara awẽ karabara ku ayi idɛ ame. Fie awẽ ana ne, mase mabara

wã karabara iyi biara. ²¹ Ne ɔso si ɔturi ɔɔɔ so ɔbɔregu i anyanyara ame fie ɔsekelera so ne, ɔfo kuxa ɔtã Bosate. Ne ɔso maawo wũ ɔsu ɔbara karabara sɛɛ biara.

²² Ði so bɔregu i ara lalaa wa nse awe maporoporo ɔmerẽ ame. Bara ira biara i ɔri iso si ase ngbã le fɔɔɔɔɔ. Ðɔɔ maturi si asegu ma i isobue ame. Siaia ara wagbe gu mma ɔɔɔɔ nse makpere Bosate ku ɔtu sekelea. ²³ Ði so bɔregu i kakpadzẽ ga nna karõ ame, alaso ara wamɔ igbã sɛ abɔ kulu. ²⁴ Iikote sɔ fɔ le Bosate ɔɔɔɔ ne, aala ɔɔɔ kalɔ. Yɛɛ ipia sɔ aala ɔɔɔɔ ara sɛɛ gu kayiribielea ɔtã maturi ɔɔɔɔ fie aade ratedze sɛɛ gu ɔturi xɔa. ²⁵ Mma ɔɔɔɔ nse mata maya Itõme Bielea iso ne, la ɔɔɔ ara karõ ɔɔte ma ku ɔtu xɔa siainyɔ Yaa to ɔtã sɔ maafiniki maba maatsue ɔnukuare. ²⁶ Ne ɔso ma adzuni to aabusi sɔ maabɔre i Satana gɔ lobara ma ɔ ara lalaa mabaradze iyebi ame.

3

Maturi To Maasẽ Yaa I Ayi Tsɔra Ame.

¹ Tsue sɔ, i ayi tsɔra ame ne, ɔtile to ɔtã sɔ kayi to kaawe ɔle kukaakɔ. ² Maturi to maadɔɔ ma ɔnɔwẽ saã ɔkpe, maadɔɔ sikã. Mala maadɔɔ ndamu maɔkɔle sɔ kato. Maadɔɔ maturi ma loaxere maturi atsue pẽ gu mma loibaware maxese. Maadɔɔ mma loibape siba gu manyanyase. ³ Mato maadɔɔ mma i ɔturi mama ara iise aɔɔ kayiri gu mma loise manyɔ nnya. Maadɔɔ mma loala mila masia maturi iso fie maadɔɔ mma loise maadɔɔ so iso. Mato maadɔɔ

maturi ma mba silalaa. Maade mma loise maɔɔe ira see. ⁴ Mato maade maturi ma loadi ma malaa matã. Mma loabara ira maro fie maabu iti ame, gu maturi ma loabu so ma onowẽ nde manogbadze gu mma loadɔe kayiiso isoxo maɔo Yaa. ⁵ Maturi magbe se mate so le mafodede, xee masẽ Yaa ole so odaade ma iso. Ði so boregu i maturi magbe igbã kore.

⁶ Alaso mmagbe igbã ne, mase mawere mabo i maturi ayo mafinikira marogo ma loise mawo so iso oɔe adzuni ala ma akpi oɔo ma iti go masiai sosina omerẽ agbãagbã oso. ⁷ Marogo magbe to masuã ara owi daa, xee maito matsue onukuare. ⁸ Kumego i Yane gu Yambre ota maya Mose iso kokoko ne, ngbo ame i mila maratedze magbe to maata maya Itõme Bielea iso ne. Maɔe maturi ma i ara lalaa oyi ma adzuni oɔuɔu ame fie maoyu kafokade ori momo. ⁹ Xee ne, maibade iso, alaso ma ara lalaa to aabore i ogbami go maturi oɔuɔu to maanya maturi ma igbã maɔe le kumego ibore Yane gu Yambre iso.

Bosate Si Oɔi-o Oboregu I Imore Biara Ame.

¹⁰ Fo ne, onya wũ ara ite fie aye wũ nsegbai gu wũ adzuni gu wũ kafokade gu wũ ikpegu wũ kuturidɔe gu kumego loya teteree. ¹¹ Aye kumego masiai me maɔaa me fie lowe inye. Aye nne loba me iso i Antiokia gu Ikonion gu Listra. Bu kama iti ne ame loki lofe. Xee i wã oɔuɔu ame ne, Bosate oɔi me.

¹² Gbaã ide so, mma oɔuɔu loase ngbã see i Kristo ame ne, mato maate ma oxia makpegu ma. ¹³ Xee mila maratedze gu maturi lalaa ne,

ma inina to iakelē katõ. Mato maasosola maturi, xee ma wũ ososola ma to ma. ¹⁴ Fõ ne, lobie so aaya teteree i ara wa asuã fie afõ ađe ana iso. Alaso aye mma kore asuã wã aboregu. ¹⁵ Gõ ita i fõ sibiete ame ne, aye oko sekelea ame atõme wa loatã so aakpa anõ, iatã ana idj iki i Kristo Yesu kafokade ame.

¹⁶ Yaa Siwarã lotã mma oduđu lotsere Oko Sekelea iwola fie matsere. Ara wa matsere le atã oturi ara ite, kuka, atere iledza gu ikararã itã ngbã see ise. ¹⁷ Matsere so si obiara gõ losu so otã Yaa aayi fie ialedza wũ itã karabara see biara ibara.

4

Ye Itõme Bielea.

¹ Loxe i Yaa gu Kristo Yesu gõ loaledza iba iaxegu magbanadze gu makpise atõme kanya. Ngo loaledza iba iade sigara nto loka-o teteree so, ² korõ pia o-o, korõ na o-o ne, daama Itõme Bielea kanya. Ka maturi si asẽ ma, pia ma oto si adidj ara karõ ate ma ku otu xa. ³ Alaso owi to oba gõ maturi iibamõẽ Itõme Bielea mala, xee mato maabara nne maɔe fie maabie maratedze matã so, mma loayere ma ara wa maabie so manõ i ma orakolo kanya. ⁴ Mato maafiniki i Itõme Bielea negbe kama masiai anatika. ⁵ Fõ xee ne, mõe so la kukaako i ori biara iso si awe ole i inyewe biara ame. Bara Itõme Bielea xedze karabara. Si abara mafodẽdze tõdẽdze karabara kukaako.

⁶ Alaso mme ne, owi oxo gõ wũ ngbã aaro le nne masu masore Yaa. Wũ owi oxo gõ loabore i kayi gagbe ame. ⁷ Lookpẽ ikpẽ see fie looro

wũ karabara le iseterese see awe. Lomõẽ wũ kafokade i Kristo ame lola ise iabo kawirikõ. ⁸ Ita i kinio ne, Yaa òledza sigaraikoto sekelea ose me. Ikoto ne i Bosate go nde atõmexedze i ori bololba iso aatã me ku iyi tsora nemõ. Fie iide wũ onõwẽ me loafo ne, xee bo gu mma odudu ana losu ma oriinyo masia i Bosate iledza iba iso.

Ba Nya Me Mala.

⁹ Ki i ori biara iso si aba aanya me mala. ¹⁰ Alaso Dema orui i wũ kore so õasiai kayiiso ara i Tesalonika. Kreske orui okere Galatia fie Tito õ wũ okere Dalmatia. ¹¹ Luka onõwẽ lookuti i wũ kore. Ne oso ko Marko bo alaso oto ñade me buale gbaã. ¹² Losese Tihiko Efeso. ¹³ Si ato aba ne, su wũ oyu awu tagbaraa wa lonyua lose i Karpo kore i Troa bo me. Su wũ siko gu titirio ndze nde mabo siko sire kukosei ana.

¹⁴ Aleksandro go nde ratoredze obara me ara boa gbaã. Bosate momo to ñatã wũ ara wa obara kuso. ¹⁵ Ne oso fõ wũ dzuẽ so i õ iso alaso ota oxere i bo ara wa boto bote iso gbaã.

¹⁶ Okpe deakatõ go maye wũ itõme ne, kuwẽ iiba õayagu me, ma odudu onyua me mase. Xee lotã Yaa iti so odaakpadzẽ ma kutsue i ne iti. ¹⁷ Xee ne, Bosate oya me i kore opia me ole fie lowo Bosate itõme oxere mma loide ma Yudase i mmõ. Bosate oji me oboregu i kukpi ame. ¹⁸ Bosate to ñadi me oboregu i itikpi biara ame fie õasegu me i isobue ame gbogbogbo loabo Yaa sigarakadekõ i kato. Ile bosu botã Yaa ita i kinio ikele kawirikõ. Si iba ngbo.

Lomala Mi So.

¹⁹ Loya Priska gu Akwila gu Onesiforo iyo maturi ɔɖuɖu. ²⁰ Erasto pia i Korinto, ana ne, Trofimo to ɔnyɛ, ne ɔso lonyua wũ lose i Mileto. ²¹ Pia kube sɔ aaba aabo wũ kɔrɛ ngbe fie ɔyu ɔwi aaxo. Eubulo gu Pude gu Lino gu Klaudia gu manyii fɔɖedze tsɔra ɔɖuɖu ɔya mi o-o!

²² Bosate si ɔwegu fɔ siwarã si ñ abualera si awegu mi.

Ndamu Ḃεε Siwu
Siwu: Ndamu Ḃεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4